

sonemus new generation

POZIV ZA UČEŠĆE: **2. izdanje festivala SONEMUS – New Generation** **- Multidisciplinarna radionica i koncert -**

Udruženje Nove Muzike SONEMUS, preko dvije decenije vodeća je organizacija u Bosni i Hercegovini koja se bavi savremenom umjetničkom muzikom, a o dosadašnjim uspjesima na domaćoj i međunarodnoj sceni svjedoče mnogobrojna učešća na međunarodnim festivalima, veliki broj premijera djela bosanskohercegovačkih i internacionalno aktivnih kompozitora, saradnja sa etabliranim evropskim muzičarima današnjice, preko 100 realiziranih koncerata u zemlji i inostranstvu, te niz radionica i javnih predavanja u domenu izvedbe, improvizacije i kompozicije. Stoga je SONEMUS preko dvije decenije kontinuiranog djelovanja, stvaranja infrastrukture u smislu osnivanja i uspješnog vođenja SONEMUS ansambla, te buđenja javnog interesa za savremenom muzikom kao sastavnog dijela muzičkog života u Sarajevu i BiH, posvećen realizaciji tri osnovna cilja: izvedba, edukacija i promocija internacionalno relevantne savremene umjetničke muzike u BiH, kao i bosanskohercegovačkog muzičkog stvaralaštva u inostranstvu. Osim toga, značajan doprinos udruženje SONEMUS daje razvoju i afirmisanju mladih muzičara, poticanju njihovog profiliranja u području savremene umjetničke muzike, te im kroz zajedničke koncerte i majstorske radionice s renomiranim izvođačima i kompozitorima pruža uvid u specifičnosti i interpretativne postulate u ovom polju.

Nakon prošlogodišnjeg prvog i veoma uspješnog izdanja, u decembru 2025. godine održava se 2. festival *SONEMUS New Generation*. Festivalске aktivnosti će i ovom prilikom biti usmjerene na edukaciju učenika i učenika osnovnih i srednjih muzičkih škola kroz interaktivne, participativne i inkluzivne sadržaje. Kroz dvodnevnu multidisciplinarnu radionicu, koja obuhvata muzičku kompoziciju, improvizaciju, rad s elektroničkim instrumentima, te predstavljanje prirode i mogućnosti instrumenata, učesnice i učesnici će imati priliku da na pristupačan i sveobuhvatan način istraže različite elemente improvizacije i izvedbe savremene muzike. Radionice će voditi priznati bosanskohercegovački kompozitori i izvođači aktivni na ovdašnjim koncertnim podijima, nastavnici Muzičke akademije Univerziteta u Sarajevu, kao i muzičari mlađe generacije. Kao reprezent ostvarenih rezultata, festival će biti zaokružen koncertom *SONEMUS New Generation* na kojem će nastupiti polaznice i polaznici svih radionica zajedno sa demonstratorima i mentorima.

Cilj projekta je razvijanje afiniteta i potencijala, te proširivanje sfere interesovanja i vidika učenika muzičkih škola od formativne dobi, bez obzira da li će se u budućnosti profilirati u muzičke profesionalce ili će se opredijeliti za druge profesije. Kroz učenje i poticanje razumijevanja različitih slojeva muzike u interaktivnom ambijentu, kroz timski rad, djeci i mladima u ključnom periodu njihovog razvoja nastojimo ponuditi nove perspektive i mehanizme za izgradnju analitičkog i kritičkog pristupa različitim muzičkim sadržajima na tehničkom i estetskom nivou, osvijestiti značaj pojedinačnog doprinosa svakog učesnika, ali i ukazati na neophodnost dijaloga i empatije u radu na zajedničkom cilju – koncertu.

Program dvodnevnog festivala sastoji se od multidisciplinarnе radionice savremene improvizirane muzike tokom koje će biti osmišljen i pripremljen program završnog koncerta.

SONEMUS – New Generation

6–7.12.2025.

Muzička akademija Univerziteta u Sarajevu

PROGRAM FESTIVALA

SUBOTA, 6.12. 10:00-16:30	Multidisciplinarna radionica savremene improvizirane	
09:30-10:00	Registracija učesnika	
10:00-11:30 Radionica: Uvod u slobodnu improvizaciju I	Upoznavanje s osnovama slobodne improvizacije i razvijanje muzičkih koncepata kroz odabir materijala i rad u ansamblu koji će biti predstavljeni na završnom koncertu.	Predavač: dr. Hanan Hadžajlić, kompozitorica i flautistica Demonstratori: Članovi Impro ansambla MAS
11:30-11:45	Kratka pauza	
11:45-13:15 Radionica: Uvod u slobodnu improvizaciju II	Upoznavanje s osnovama slobodne improvizacije i razvijanje muzičkih koncepata kroz odabir materijala i rad u ansamblu koji će biti predstavljeni na završnom koncertu.	
13:15-14:00	Pauza za ručak (obroke obezbjeđuju organizatori festivala)	
14:00-15:00 Predavanje	Tema predavanja će biti naknadno objavljena.	Predavač: prof. mr. Ališer Sijarić, kompozitor, profesor i dekan Muzičke akademije UNSA
15:00-15:15	Kratka pauza	
15:15-16:30 Radionica: Osnove elektroničke muzike	Razvijanje muzičkih koncepata kroz odabir materijala i rad u ansamblu koji će biti predstavljeni na završnom koncertu.	Predavač: mr. Rijad Kaniža, muzikolog
NEDJELJA, 7.12. 10:00-17:45	Pripreme za završni koncert festivala	
10:00-14:30 Proba ansambla polaznika radionica	Priprema za koncertnu prezentaciju odabranih impro koncepata (uz kratke pauze)	
	12:00 – 13:00 Pauza za ručak (obroke obezbjeđuju organizatori festivala)	
16:15	Okupljanje učesnika koncerta na Muzičkoj akademiji UNSA	
17:00-17:45 Koncert: SONEMUS – New Generation	Koncertna prezentacija odabranih impro koncepata nastalih u sklopu radionica uz dodjelu sertifikata učesnicima festivala.	Učesnici: SONEMUS – New Generation (ansambl učesnika radionica) Gosti: Impro ansambl MAS

Ko se može prijaviti?

- Učenici/e osnovnih i srednjih muzičkih škola, instrumentalnih i teorijskih odsjeka (dob 8-18 godina) koji žele u interaktivnom i poticajnom okruženju proširiti svoje muzičko znanje, steći uvid u muzičke tokove aktuelnog trenutka, “proviriti” u prostrani svijet muzičke kreativnosti, te upoznati vršnjake sličnih interesovanja.

Prijavni obrazac potrebno je ispuniti najkasnije do **4. decembra 2025. godine do 23:59.**¹

- Pohađanje radionica je besplatno, a koncert je otvoren za širu javnost.

Dodatne napomene:

Preduslov za učešće:

- Nakon procesa prijave, odabrani učesnici/e festivala dužni su dostaviti ispunjenu i potpisanu saglasnost roditelja/staratelja mailom na adresu sonemus.newgeneration@gmail.com **do početka realizacije programskih aktivnosti.**

Tokom trajanja festivala:

- Učesnici su dužni pridržavati se kućnog reda ustanove u kojoj se održava festival i programa aktivnosti, te pratiti upute mentora tokom trajanja radionica;
- Roditeljima/starateljima te predmetnim nastavnicima škole koju djeca pohađaju dozvoljeno je prisustvo na radionicama i probama;
- Po završetku dnevnih aktivnosti, roditelji/staratelji ili predmetni nastavnici (u dogovoru s roditeljem/starateljem) trebaju doći po dijete;
- Završni koncert je otvoren za širu javnost, uključujući djecu svih uzrasta u pratnji roditelja/staratelja ili predmetnih nastavnika;
- Organizator nije odgovoran za izgubljene ili oštećene lične stvari, te preporučujemo da se vrijedni predmeti (izuzev ličnih muzičkih instrumenata) ne donose na festival.

Nakon festivala:

- Učesnicima festivala će biti uručeni certifikati o učešću.

Za dodatne informacije možete nam se obratiti putem e-maila sonemus.newgeneration@gmail.com ili pozivom na +387 62 204 906.

¹ Prijavni obrazac dostupan je i u formatu word dokumenta i dostavljen je kao prilog ovog poziva. Nakon preuzimanja, potrebno je popuniti i u zadanom roku dostaviti na adresu sonemus.newgeneration@gmail.com.